

福建續志卷三十九

理學五

建寧府

宋

游酢字定夫建陽人以文行知名程頤見之謂其資可進道程顥令扶溝使職學事盡棄其學而學焉第進士調蕭山尉近臣薦其賢召爲太學錄遷博士以奉親不便求知河陽縣范純仁守潁昌辟教授純仁入相復爲博士僉書齊州泉州判官晚得監察御史歷知漢陽軍和舒濠三州而卒

宋史

福建續志

卷三十九

理學五

一

章望之字表民浦城人少孤喜問學志氣宏放初以伯父得象蔭爲校書郎監杭州茶庫逾年辭表去舉賢良方正得象在相位以嫌扼之上書論時政凡萬餘言不報丁母憂毀瘠過制後浮江淮間艱苦求衣食其兄拱之知晉江縣忤太守守誣以賊坐貶望之訴於朝卒脫拱之冤復官望之遂不復仕覃恩遷太常太祝歐陽修劉敞同薦其才宰相欲用之除僉書建康軍節度判官及知烏程縣皆固辭以光祿寺丞致仕卒望之喜議論宗孟軻言性善排荀卿揚雄韓愈李翱之說著救性七篇又

以歐陽修論魏梁爲正統爲非著明統三篇江南人李覲著禮論謂仁義智信樂政刑皆出於禮望之訂其說著禮論一篇

閩書

胡安國字康侯崇安人入太學以程頤之友朱震文及穎川靳裁之爲師三試禮部中紹聖進士初廷試考定第一宰執抑之時發策崇復熙寧元豐之制安國推明太學以漸復三代爲對哲宗親擢第三爲太學博士足不躡權門提舉湖南學事應詔舉遺逸蔡京碁之命湖南提刑推治湖北再鞫竟除名尋復原官提舉成都學事丁內外艱終喪謂

福建續志

卷三十九

理學五

二

子弟曰吾昔爲親而仕今雖祿萬鍾將何所施遂築室墓旁將終身焉靖康元年除起居郎辭朝旨趣行至京師欽宗亟召見安國奏曰明君以務學爲急聖學以正心爲要心者萬國之宗正心者揆事宰物之權願擢名儒明於治國平天下之本虛懷訪問又言爲天下國家必有一定不可易之計君臣固守治功可立今紀綱尚紊風俗益衰竊恐大勢一傾不可復正乞訪大臣各令展盡底蘊仍集議於朝斷自宸衷庶新政有經可冀中興欽宗留詞掖召試時門下侍郎耿南仲見安國論奏曰

是謗聖德也乃言安國不宜召試中丞許翰解之得免既試除中書舍人安國乃就職中書侍郎何棨建議分天下爲四道置四都總管以衛王室捍疆敵安國言州郡太輕理宜通變一旦以二十三路之廣分爲四道權恐太重萬一抗衡跋扈何以待之與棨議忤棨擠之詔與郡棨以安國苦足病海門卑濕除知通州安國旣去金人薄都城子寅爲郎在城中客憂之安國曰主上在圍中恨效忠無路敢念子乎高宗卽位以給事中召黃潛善諷給事中康執權論其托族罷之三年樞密張浚薦

安國可大用再除給事中聞駕幸吳越引疾還紹興元年除中書舍人兼侍講安國以時政論二十一篇獻之復除給事中入對乞以所進二十一篇施行其論目曰定計建都設險制國卹民立政覈實尚志正心養氣宏度寬隱居旬日以疾求去高宗曰聞卿深於春秋方欲講論遂以左氏傳付之安國奏今方思濟艱難左氏繁碎不宜虛費光陰莫若潛心聖經尋兼侍讀專講春秋會除故相朱勝非同都督江淮荆浙諸軍事安國奏勝非與黃潛善汪伯彥同在政府緘默附會循致渡江尊用

張邦昌結好金國淪滅三綱天下憤鬱今疆敵憑陵用人得失係國安危恐勝非上誤大計乃改勝非侍讀安國持錄黃不下言勝非係臣論列之人今朝廷乃稱勝非處苗劉之變能調護聖躬昔公羊氏言祭仲廢君爲行權先儒力排其說蓋權宜廢置非所施於君父春秋大法尤謹於此左相呂頤浩引勝非爲助降旨落職提舉仙都觀五年除徽猷閣待制知永州辭詔以經筵舊臣特從其請提舉江州太平觀令纂修所著春秋傳書成高宗謂深得聖人之旨除提舉萬壽觀兼侍讀諫官陳

公輔上疏詆安國假託程頤之學安國奏曰孔孟之道不傳久矣自頤兄弟始發明之然後知其可學而至今使學者師孔孟而禁不得從頤學是入室而不由戶本朝自嘉祐以來西都有邵雍程顥及其弟頤關中有張載皆以道德名世師尊之望下禮官加之封爵載在祀典哀其遺書校正頒行奏入公輔周秘交章論安國學術頗僻復提舉太平觀進寶文閣直學士卒年六十五詔贈四官謚文定安國強學力行以聖人爲標的志於康濟時艱雖數以罪去而愛君憂國之心遠而彌篤論者

謂渡江以來儒者進退合義以安國爲稱首所與遊者游酢謝良佐楊時皆程門高弟良佐嘗曰胡康侯如大冬嚴雪百草萎死而松栢挺然獨秀其使湖北也時方爲府教授良佐爲應城宰安國質疑訪道禮之甚恭王安石廢春秋不列於學宮安國謂先聖手所筆削乃使人主不得聞講說學士不得相傳習亂倫滅理可乎潛心是書二十餘年以爲天下事物無不備於此有文集十五卷資治通鑑舉要補遺一百卷三子寅宏寧

宋史

陳繪字質夫浦城人同楊時遊二程子之門大觀中

福建續志

卷三十九

理學五

五

擢進士第浮沉州縣不以軒冕爲榮而以名教爲樂官至奉議郎時常與書云孟子曰萬物皆備於我矣反身而誠樂莫大焉知萬物皆備於我則雖行止疾徐間有堯舜之道存焉世之人多不自己求之以質夫篤志强學因其所進勉而卒之無難

矣

道南  
源委

鄭穀字致遠建安人初就學晝夜誦中庸不怠曰聖人之道在此書也旣冠入太學累舉不第歎曰古之求道者尚友古人未及大賢之門可乎遂走河南值二程子已逝乃遊謝良佐之門重和間舉八

行第進士調御史臺主簿校書郎出守臨江軍乞  
祠歸自號九思穀執父喪火延喪室抱棺叩頭慟  
哭不去已而火爇柱至半止人名止火柱

閩書

胡寅字明仲安國從子也將生安國弟婦欲不舉安  
國妻夢大魚躍盆水中急取而子之少桀黠父閉  
之閣閣有雜木寅刻爲人形安國曰當有以移其  
心別置書數千卷寅悉成誦不遺一卷中宣和進  
士靖康初召除秘書省校書郎楊時爲祭酒寅從  
受學遷司門員外郎金人以張邦昌僞立寅棄官  
歸建炎三年高宗幸金陵樞密使張浚薦爲駕部

福建續志

卷三十九

理學五

六

郎官擢起居郎金人南侵詔議移蹕之所寅上書  
曰自古中興之主所以能克復舊物者莫不志思  
雪耻以此號召四海決意講武誓以戰伐天下忠  
義武勇必雲合響應陛下凡所欲爲孰不如志今  
日圖復中興之策莫大於罷絕和議務實效去虛  
文治兵擇將誓戮大憝者孝弟之實也陛下身爲  
子弟欲北向而有爲將見舉四海爲陛下用期以  
十年必能掃除妖殄遠迓父兄稱宋中興疏入宰  
相呂頤浩惡其切直除直龍圖閣主管江州太平  
觀口年詔內外官各言事寅以十事應詔不報尋

出知永州紹興四年復召爲起居郎遷中書舍人  
時議遣使入雲中寅上疏請罷使命高宗曰寅諭  
使事詞旨剴切深得獻納論思之體召至都堂獎  
諭張浚自江上還奏遣使爲兵家機權寅復言今  
日大計只合明復仇之義用賢修德息兵訓民以  
圖北向若二三其德必不能有所立意與浚異遂  
乞郡就養除集英殿修撰復以待制改知永州尋  
以禮部侍郎兼侍講丁父憂免喪除徽猷閣直學  
士提舉江州太平觀致仕歸衡州秦檜素忌寅雖  
告老猶憤之坐與李光書譏訕朝政落職右正言

福建續志

卷三十九

理學五

七

章復劾之責授果州團練副使新州安置檜死詔  
復其官卒年五十九寅志節豪邁初擢第中書侍  
郎張邦昌欲以女妻之不許在謫所著讀史管見  
論語詳說爲文根著義理有斐然集三十卷宋史

江錡字全叔建陽人舉宣和進士文行推重於時所  
從遊多鉅人長者著有春秋經解三十卷辨疑一  
卷楊時見而稱之又著語孟說各五卷歷官宣教  
郎永州教授終徽猷閣學士

建寧府志

黃緩字用和浦城人從楊時學甚見器重及爲工曹  
守將高其才多委以事適諸邑大水按視官希部

使者多不以實聞，緩獨減放蠲田租十之八。使者怒，緩占答詳雅，卒如初。請調西安丞，靖康初，李綱宣撫河東，辟幕屬。高宗朝，拜監察御史，首陳七事。深蒙嘉納。一日問孟子與齊梁國君問答之說，緩對詞義敷暢，上曰：「卿可謂非堯舜之道不陳於王前。」因諭曰：「緩論人君治心事甚詳處，以諫職會有沮之者，除江西提點刑獄，力求奉祠。卒，緩在臺，越月，風節凜然，天下誦直有奏議雜著論語類觀。唐史篤論共二十卷。」

書閩

潘殖字子醇，浦城人。建炎中以累舉，除官調真州推

福建續志

卷三十九

理學五

八

官初好王氏學，後悟其非，用力克己，至忘寢食久之，有得於是，述忘筌書五卷，性理書九篇。劉勉之、胡憲、劉子翬皆喜其書。子翬稱其得學易門戶於易之復，又嘗畫爲觀象元契二圖。

書閩

劉子翬字彥冲，崇安人。贈太師幹之子，以父任授承務郎，辟真定府幕，幹死，靖康之難，子翬痛憤幾無以爲生。廬墓三年，服除，通判興化軍，楊就犯閩境，子翬畫計備禦，賊不敢犯。事聞，詔因任子翬始執喪，致羸疾，至是以不堪吏責，辭歸武夷山，不出者十七年間。走其父墓下，瞻望徘徊，涕泗累日而返。

妻死不再娶事繼母呂氏及兄子羽盡孝友兄子  
珙幼英敏嗜學子輩教之不懈珙卒有立與胡憲  
劉勉之交每見講學外無雜言而期以任重致遠  
者惟朱熹而已初熹父松且死以熹託之及熹請  
益子輩告以易之不遠復三言俾佩之終身熹後  
卒爲儒宗子輩少喜佛氏說歸而讀易卽渙然有  
得其說以爲學易當先復故以是告熹焉一日感  
微疾卽謁家廟泣別母與親朋訣付珙家事指葬  
處處親戚孤弱之無業者訓學者修身求道數百  
言卒年四十七學者稱屏山先生珙別有傳

宋史

福建續志

卷三十九

理學五

九

蕭顛字子莊浦城人天資樸實少孤事母以孝聞母  
喪廬墓有靈芝之異與羅從彥同遊楊時之門嘗  
答友人書云士之所志舍仁義何爲哉仁必欲熟  
義必欲精仁熟則造次顛沛有所不違義精則利  
用安身而德崇矣後以累舉得官爲清流簿終歲  
而歸徜徉閭里朱松嘗師事之

道南  
源委

范如圭字伯達崇安人從舅氏胡安國受春秋廷對  
策極壯切考官抑置乙科授武安節度推官帥將  
斬人如圭白誤帥曰已署如圭正色曰節下奈何  
重易一字輕數命耶帥瞿然從之居數月以憂去

時金人陷長沙湘中大亂如圭崎嶇避地艱苦百  
罹而志業益修辟江東安撫司書近臣交薦召試  
除秘書省正字遷校書郎兼史館校勘會秦檜力  
建和議金使鼎來其詞悖傲如圭與同省十餘人  
合疏爭之且手書詆檜金人歸河南地檜自以爲  
功如圭曰是亦安能久有乃言兩京版圖旣入則  
陵廟瞻望咫尺今朝修之使未遣何以仰慰神靈  
下萃民志高宗泫然曰非卿不聞此言立命遣使  
檜益怒乃謁告歸差主管台州崇道觀杜門讀書  
不與外事者十餘年尋起通判邵州及荆南府事

荆南戶口舊數十萬寇亂無復人迹時檜晚節悖  
亂喜怒不可測帥孫汝翼欲賦民以塞責如圭持  
之孫去言於後帥卽奏蠲焉檜死被命入對高宗  
記前議勞問如圭因進言爲治以知人爲先知人  
以清心寡欲爲本語甚切至又論東南不舉子之  
俗請舉漢胎養令以全活之亦勾踐生聚報吳之  
意也高宗善其言秉政者忌之乃以直秘閣提舉  
江西常平茶鹽出之尋論奏數事皆一方久遠計  
改利州提點刑獄復請祠時宗藩並建儲位未立  
如圭深憂之嘗劾至和嘉祐間名臣章奏爲一書

以獻高宗語輔臣曰如圭可謂愛君矣遂決定大計卽下詔進孝宗爲建儲因復起如圭知泉州尋罷領祠僦居邵武門巷蕭然遠近學者多從質問如圭孜孜朝夕爲引接卒後兩年孝宗受禪而如圭已不及見矣

閩書

胡宏字仁仲安國子幼事楊時而卒傳其父之學優游衡山下二十年玩心神明不舍晝夜張栻師事之紹興間上書其略曰治天下有本仁也何謂仁心也心官茫茫莫知其鄉若能充於一身通於天地宰制萬事統攝億兆之本也察天理莫知屏欲

福建續志

卷三十九

理學五

十一

存良心莫如立志陛下試沉思靜慮方今之世當陛下之身事孰爲大乎孰爲急乎必有歉然惻然不能自安者則良心可察而臣言可信矣二聖遠適窮荒辛苦墊隘其願陛下加兵敵國猶饑渴之於飲食庶幾一得生還父子兄弟懽若平生引領東望九年矣夫以疎賤念此痛心思欲有爲况陛下當其任乎而在廷之臣不能充陛下仁孝之志反以天子之尊北面讐敵卽今王師傷敗二聖遠棲乎沙漠皇輿僻寄於東吳若猶習於因循亡三綱之本性昧神化之良能則人欲肆而天理滅將

何以異於先朝求救禍亂而致升平乎陛下卽位以來中正邪佞更進數退無堅定不易之誠然陳東以直諫死馬伸以正論死而未聞誅一姦邪黜一諛佞何摧中正之易而去姦邪之難也中正之士乃陛下腹心耳目奈何以天子之威握億兆之命乃不能保全二三腹心耳目之臣以自輔助臣竊痛心傷陛下威權之不在己也高閎爲國子司業請幸太學宏見其表作書責之初宏以蔭補右承務郎不調秦檜當國貽書與其兄寅問二弟何不通書寧作書止敘契好宏書辭甚厲人問之曰

福建續志

卷三十九

理學五

十二

正恐其召故示之以不可召之端檜死宏被召以疾辭卒於家著書曰知言張栻謂其言約義精道學之樞要制治之蓍龜也有詩文五卷皇王大紀八十卷

宋史

胡憲字原仲安國弟子也生而靜慤雖倉卒無疾言遽色長從安國學紹興中以鄉貢入太學會禁伊洛學獨與劉勉之陰誦竊講旣又學易於涪陵譙天授久未有得天授曰是固當然蓋心爲物潰故不能有見惟學乃可明耳憲喟然曰所謂學者非克己工夫耶自是一意爲己不求人知一旦歸故

山力田養親安國稱其有隱君子之操從者益衆  
朱震等以其行義聞於朝以母老辭尋賜進士出  
身授左廸功郎添差建州教授憲猶不出太守魏  
缸致詔乃就職進諸生訓以爲己之學學者觀其  
修身事親接人無一不如所言遂翕然悅服延致  
篤行程元廉節龔何俾叅學政人士大化秩滿復  
留嗣以母老求監南嶽以歸久之起爲福建路安  
撫司屬官時帥張宗元權鹽急私販憲告以爲政  
大體帥不悅遂請祠去會秦檜用事憲益無復當  
世之念檜死召大理司直改秘書省正字疏言金

福建續志

卷三十九

理學五

十三

人大治汴京官室勢必敗盟元臣宿將惟張浚劉  
錡在願急起之時兩人皆爲積毀所傷未有敢顯  
言當用者憲獨首言之疏入卽求去上感其言以  
爲左宣教郎主管崇道觀使歸食其祿後浚錡召  
用憲之力也卒謚靖肅憲在位共半年極意顯言  
至慷慨酒涕初與劉勉之俱隱後交朱松劉子翬  
松將歿囑子熹師事焉熹自言與從遊最久而呂  
祖謙林之竒魏掞之熊克曾逢皆其門人著論語  
會議諸書世稱籍溪先生

道南  
源委

胡寧字和仲以蔭補官秦檜當國召試館職除勅令

所刪定官秦熺知樞密院檜問寧曰熺近除外議云何寧曰外議以爲相公必不爲蔡京之所爲也遷太常丞祠部郎官初以寧父兄故召用及寅與檜忤乃出寧爲夔路安撫司叅議官除知澧州不赴主管台州崇道觀卒安國之傳春秋也修纂檢討盡出寧手寧又著春秋通旨以羽翼其書云

宋史

劉勉之字致中崇安人自幼強學以鄉舉詣太學時蔡京用事禁士挾元祐書師生收書連坐罪至流徙名爲一道同風實以鉗天下之口勉之陰訪伊洛程氏之傳得其書俟深夜同舍生熟寐乃探篋

福建續志

卷三十九

理學五

十四

燃膏潛抄默誦涪陵譙天授嘗從二程子遊兼邃易學卽往叩焉得其本末遂棄錄牒歸道南都見劉元城過毘陵見楊時皆從請業元城尤竒之告以生平行己立朝大節無不傾盡勉之聽受精思力行久之若有所得與族人子輩及胡憲講論切磋結廬建陽讀書力穡無求於世賢士大夫咸高仰之中書舍人呂本中薦於朝特詔赴闕劉子輩作招劍文送之其辭曰寶劍來奉君王撫四裔定八荒時乎時毋深藏旣至秦檜方主和議恐觸忌諱但令對策不使人見勉之知道不行卽日謝歸

杜門十餘載故相趙鼎出鎮南州道出里門紆轡  
入謁坐語移日與朱松友善命子熹師事焉屬以  
後事勉之經理其家愛熹如子以女妻之居於白  
水稱白水先生

道南  
源委

吳棫字才老建安人舉進士召試館職不就除太常  
丞忤時宰出通判泉州剛直有謀明恕能斷悍卒  
謀亂一郡洵洵才老命戮數人談笑定之所著有  
書裨傳詩補音論語指考異續解楚詞釋音韻補  
又作字學補韻朱熹謂近代訓釋之學惟棫爲優  
因據以叶三百篇之韻其所作韻補武彞徐藏爲

福建續志

卷三十九

理學五

十五

之序曰才老中和溫厚之氣粹然見於色仁義道  
德之音藹然形於言藏嘗識之退而嘆曰古所謂  
君子儒者非斯人耶棫從容爲藏言擢第後數年  
不求官築室三閭中設夫子像古書陳前謝事凝  
神以味古訓常若游洙泗間而稱遜聖賢前後也  
平生著書皆淵源精確自補音書成然後三百篇  
始得爲詩從而考古銘箴誦歌謠諺之類莫不字  
順音協其書引證甚博懼其繁重稍削去獨於最  
古者中古者近古者各存二  
三行

閩書

朱熹字元晦婺源人父松以進士歷司勳郎秦檜決

策議和松言不可檜怒出知饒州卒熹甫能言父指天示之曰天也熹問曰天之上何物松異之授以孝經題其上曰不若是非人也嘗從羣兒戲沙上獨端坐以指畫沙視之八卦也紹興中進士主同安簿選秀民日與講說聖賢修己治人之道禁女婦之爲僧道者罷歸請祠孝宗卽位詔求直言熹言帝王之學必先格物致知以極事物之變使義理所存纖悉畢照則自然意誠心正而可以應天下之務次言修攘之計不時定者講和之說誤之也夫金人於我有不共戴天之讐則不可和也

明矣願閉關絕約任賢使能立紀綱厲風俗數年之後國富兵強徐起而圖之隆興元年復召入對言大學之道在乎格物以致其知陛下雖有生知之性而未嘗隨事以觀理卽理以應事且陳古先聖王所以強本折衝威制遠人之道時湯思退方倡和議除熹武學博士乾道元年洪适爲相復主和論不合歸三年陳俊卿劉珙薦爲樞密院編修官五年丁內艱工部侍郎胡銓薦以未終喪辭免喪復召以祿不及養辭九年申前命又辭梁克家奏熹屢召不起宜蒙褒錄上曰熹安貧守道廉退

可嘉特改合入官主管台州崇道觀淳熙二年除秘書郎力辭乃從其請主管武夷山沖佑觀五年除知南康軍值歲不雨講求荒政多所全活間詣郡學進士子與之講論訪白鹿洞書院遺址爲學規俾守之明年夏大旱上疏言天下之務莫大恤民而恤民之本在人君正心術以立綱紀君心不能自正必親賢臣遠小人講明義理之歸閉塞私邪之路然後可正今宰相臺省皆失其職而陛下所與謀議者不過近習之臣使陛下不信先王之道而悅於功利之卑說勢成威立中外靡然莫

大之禍必至之憂近在朝夕而陛下獨未之知上讀之大怒曰是以我爲亡也熹以疾請祠不報陳俊卿薦熹甚力乃除提舉江西常平茶鹽公事旋錄救荒之勞除直秘閣以前所奏納粟人未推賞辭會浙東大饑改熹提舉浙東常平茶鹽公事卽日單車就道復以納粟人未推賞辭職名納粟賞行乃受入對首陳災異之由與修德任人之說上爲動容所奏凡七事其一二事手書以防宣洩熹始拜命卽移書他郡募米商蠲其徵及至則客舟之米已輻輳熹日鈎訪民隱按行境內單車屏從

所至人不及知郡縣官吏憚其風采至自引去所部肅然於救荒之餘隨事爲經久之計有謂其疏於爲政者上曰朱熹政事却有可勸時蝗旱相仍復言爲今之計獨有斷自聖心責躬求言君臣相戒痛自省改盡出內庫之錢以供大禮之費爲收糴之本詔戶部免徵舊負漕臣依條檢放租稅宰臣遴選賢能責以荒政庶幾下結人心消其乘時作亂之意知台州唐仲友遷江西提刑未行熹行部至台州訟仲友者紛然按得其實章三上仲友自辯又三上奪仲友新命以授熹遂辭歸時侍御

史鄭丙上疏詆程氏之學且以沮熹陳賈爲監察御史亦論道學假名以濟僞詔主管台州崇道觀連奉雲臺鴻慶之祠者五年周必大相除熹提點江西刑獄公事入奏言陛下卽位二十七年因口荏苒無尺才之效無乃天理有所未純人欲有所未盡是以爲善不能充其量除惡不能去其根願自今以往一念之頃必謹而察之推而至於言語動作之間用人處事之際無不以是裁之則聖心無一毫私欲而天下之事惟陛下所欲爲矣有要於路以爲正心誠意上所厭聞勿以爲言熹曰吾

生平所學惟此豈可隱默以欺君及奏除兵部郎官以足疾丐祠本部侍郎林栗嘗與熹論易西銘不合劾熹僞不可掩周必大言熹上殿之日足疾未瘳上曰朕亦見其跛曳乃依舊職江西提刑詔熹昨入對所論朕諒其誠可速之任再辭除直寶文閣主管西京嵩山崇福宮未踰月再召嘗以口陳之說有所未盡投匭進封事曰大本者陛下之心急務則輔翼太子選任大臣振舉綱紀變化風俗愛養民力修明軍政六者是也凡此六事皆不可緩而本在於陛下之一心心正則六事無不正

一有人心介乎其間則雖欲億精勞力以求正夫六事亦將徒爲文具而天下之事愈至於不可爲矣疏入上已就寢亟起讀之明日除主管太乙宮兼崇政殿說書熹力辭除秘閣修撰奉外祠光宗卽位除江東轉運副使以疾辭改知漳州奏除無名之賦減經總制錢又以習俗未知古禮采古喪葬嫁娶之儀揭以示之命各教其子弟士俗崇信釋氏男女聚僧廬爲傳經會女不嫁者爲菴舍以居熹悉禁之常病經界不行會朝論欲行泉汀漳三州經界熹乃訪事宜擇人物及方量之法上之

而豪右沮之宰相留正泉人也以爲不可行詔先行漳州經界尋除秘閣修撰辭詔論撰之職以寵名儒乃拜命除荆湖南路轉運副使未幾差知潭州力辭有旨長沙巨屏得賢爲重遂拜命會洞獠擾屬郡熹遣人諭以禍福皆降所至興學校明教化四方學者畢至寧宗卽位趙汝愚薦熹召赴行在除煥章閣待制侍講辭不許入對言乃者太皇太后躬定大策陛下寅紹丕圖可謂處之以權而不失其正自頃至今三月矣不能無疑於逆順名實之際竊爲陛下憂之猶有可諉者亦曰陛下之

心前日未嘗有求位之計今日未嘗忘思親之懷此其所以行權而不失其正之根本也充未嘗求位之心以盡負罪引慝之誠充未嘗忘親之心以致溫清定省之禮而大倫正本立矣復面辭待制侍講上手劄之遂拜命時修葺舊東宮爲屋數百間欲徙居之熹言正當恐懼修省之時不當興此大役以拂譴告警動之意願明詔大臣首罷修葺東宮之役而以其工料回就慈福重華之間草創寢殿一二十間使粗可居則太上皇帝歡意浹洽矣疏入不報然上頗開懷容納熹奏勉上進德

以求放心爲本而於玩經觀史親近儒學口用力焉始寧宗之立韓侂胄自謂有定策功居中用事熹憂其害政乃上疏斥言左右竊柄之失慶元初趙汝愚入相中外引領望治熹尤惕然以侂胄用事爲慮汝愚旣以誣逐而朝廷大權悉歸侂胄熹始以廟議自劾不許以疾再乞休致詔辭職謝事非朕優賢之意依舊秘閣修撰沈繼祖爲監察御史誣熹十罪詔落職罷祠熹以年近七十乞致仕乃依所請明年卒年七十一疾且革手書屬其子在及門人范念德黃榦拳拳以勉學及修正遺書

爲言翌日正坐整衣冠就枕而逝熹登第五十年仕於外者僅九考立朝纔四十日家故貧少依父友劉子翬寓崇安徙建陽之考亭簞瓢屢空晏如也諸生自遠而至者豆飯藜羹率與之共非其道義則一介不取自熹去國侂胄勢益張僞學之禁自此始侂胄死詔謚曰文贈中大夫寶謨閣直學士加贈太師追封徽國公從祀孔子廟熹少時慨然有求道之志父病亟嘗屬曰胡原仲劉致中劉彥冲三人學有淵源吾所敬畏吾死汝往事之三人謂胡憲劉勉之劉子翬也故熹之學旣博求之

經傳復徧交當世有識之士李侗嘗學於羅從彥  
熹不遠數百里從之其爲學大抵窮理以致其知  
反躬以踐其實而以居敬爲主嘗謂聖賢道統之  
傳散在方冊聖經之旨不明而道統之傳始晦於  
是竭其精力以研窮聖賢之經訓著有易本義啓  
蒙著卦考誤詩集傳大學中庸章句或問論語孟  
子集註太極圖通書西銘解楚詞集註辨證韓文  
考異所編次有論孟集議孟子指要中庸輯畧孝  
經刊誤小學書通鑑綱目宋名臣言行錄家禮近  
思錄河南程氏遺書伊洛淵源錄沒後朝廷以其

福建續志

卷三十九

理學五

二十二

大學語孟中庸訓說立於學官又有儀禮經傳通  
解未脫稿亦在學宮平生爲文凡一百卷生徒問  
答凡八十卷別錄十卷黃榦曰道之正統待人而  
傳自周以來任傳道之責者孔子而後曾子子思  
繼其微至孟子而始著孟子而後周程張子繼其  
絕至熹而始著識者以爲知言

宋史

吳楫字公濟崇安人幼自雄其才謂功名可立取紹  
興末試鄉省不第遂絕心仕進與朱熹吳郁研窮  
理學嘗言逐日應接事物之中須得一時寧靜以  
養精神要使事愈繁而心愈暇彼不足而我有餘

熹遣子師事之晚年以恩補官調桂林簿源道南委

蔡元定字季通建陽人生而穎悟父發以程氏語錄邵氏經世張氏正蒙授之曰此孔孟正脉也元定深涵其義辨析益精登西山啖齋讀書往師朱熹熹扣其學大驚曰此吾老友也不當在弟子列遂與講論諸經奧義四方來學者熹必俾先從元定質正太常少卿尤袤秘書少監楊萬里薦於朝以疾辭築室西山將終焉時韓侂胄擅政設僞學之禁言官連疏詆熹併及元定謫道州將就道熹與從遊者餞別蕭寺客有泣下者熹視元定不異平

福建續志

卷三十九

理學五

二十三

時因喟然曰友朋相愛之情季通不挫之志可謂兩得矣既杖履挈其子沉行三千里脚爲流血無幾微見言面至則遠近來學者日衆莫不趨席下以聽講說人謂宜謝生徒元定曰彼以學來何忍拒之貽書訓諸子曰獨行不愧影獨寢不愧衾勿以吾得罪故遂懈一日謂沉曰可謝客吾欲安靜以還造化舊物閱三日卒侂胄既誅贈廸功郎謚文節元定於書無所不讀於事無所不究義理洞見大原下至圖書禮樂制度無不精妙古書竒詞奧義人所不能曉者一過目輒解熹嘗曰人讀易

書難季通讀難書易熹疏釋四書及爲易詩傳通鑑綱目皆與元定往復參訂啓蒙一書則屬元定起稿嘗曰造化微妙惟深於理者能識之吾與季通言而不厭也及葬以文誄之學者尊之曰西山先生所著書有大衍詳說律呂新書蕪樂原辯皇極經世太元潛虛指要洪範解八陣圖說宋史陳總龜字朝端居近朱熹日與熹遊熹與書勉之間學不下百餘章舉進士授永豐尉未赴卒閩書蔡淵字伯靜元定長子兄弟三人皆躬耕不仕卓然自立邦之人士莫能與比而人亦莫知所蘊也元

福建續志

卷三十九

理學五

二十四

定謫春陵時奉母家居備極誠孝嘗謂周子無極而太極之說得於易有太極之一言易者變易無體卽無極之義真德秀謂其學能言朱子所未言著有周易訓解易象意言卦爻辭旨古易協解大傳易說象數餘論太極通旨等書道南源委蔡沆字復之元定次子元定使長子淵紹其易學季子沉紹其書學而以所發明春秋屬沆一日讀易悟曰易一卦一爻爲義各異謂春秋以一例該衆事可乎讀書至道心人心則歎云春秋二百四十餘年間諸侯大夫行事發於道心者無幾聖人於

贈仲子納郃鼎皆據大義以止私欲一書綱領在此嘗以敬爲入德門戶義爲一身主宰復爲學者遷善改過之幾時時以敬義示人與人講明復卦言當以不遠復爲法以頻復爲戒著有春秋五論世稱復齋先生

道南  
源委

蔡沉字仲默元定季子少從朱熹遊熹晚欲著書傳未及爲遂以屬沉洪範之數學者久失其傳元定獨心得之然未及論著曰成吾書者沉也沉受父師之託沉潛反覆者數十年然後成書發明先儒之所未及其於洪範數謂體天地之撰者易之象

福建續志

卷三十九

理學五

二十五

紀天地之撰者範之數數始於一竒象成於二偶竒者數之所以立偶者數之所以行故二四而八卦之象也三三而九九疇之數也由是八八而又八八之爲四千九十六而象備矣九九而又九九之爲六千五百六十一而數周矣易更四聖而象已著範錫神禹而數不傳後之作者推象數之原窒變通之好或卽象而爲數或反數而擬象牽合傳會自然之數益晦焉始從元定謫道州跋涉數千里道楚粵窮僻處父子相對常以義理自怡悅元定沒徒步護喪以還有遺之金者輒謝曰吾

不忍累先人也年僅三十屏去舉業一以聖賢爲師隱居九峰當世名卿物色將薦用之沉不屑就

史宋

魏揆之字子實故名挺之字元履建陽人少師胡憲已徧從儒先長者遊聞見日廣聲稱日大嘗客衢守章傑家故相趙鼎以謫死歸葬常山傑雅怨鼎又希秦檜意逮繫其家人劾治甚急揆之作書讓傑遂歸以鄉舉試禮部不第閩帥汪應辰論薦於朝時相尼之詔舉遺逸帥守其言其行誼詔特徵之以布衣入見極論當世之務孝宗獎歎嘉納勞

福建續志

卷三十九

理學五

二十六

問移時詔賜同進士出身授左迪功郎守太學錄日進諸生教誨之釋奠孔子祠先事白宰相陳俊卿請言於上廢安石父子勿祀而追爵程氏兄弟使從食又言太學之教宜先德行經術其次尤當使之通習世務以備官使至他政事有係安危治亂之機宰相不能正臺諫侍從不敢言無不抗疏盡言至三四上並不見納則移病杜門曾覲召還揆之移書與俊卿責其不能救正俊卿雅招徠揆之及見其書詞峻切亦不能平遂以迎親予告歸罷爲台州教授卒揆之於學無不講而尤長於前

代治亂廢興存亡之說以至本朝故事之實居家  
謹喪祭重禮法恤親舊雖貧不懈與人交嘉善救  
失如不及後進以禮來者苟有一長汲汲推挽之  
孝宗聞其卒嗟悼久之贈直秘閣揆之與朱熹遊  
去國時熹方被召將行聞揆之出都遂止書閩  
劉懋字子勉勉之孫也博學通經受學于劉子翬得  
其論著繼從胡憲始知爲學大旨自是易象天文  
地理律歷之奧無所不通授廸功郎任會昌西尉  
兼學事秩滿奉祠以朝奉大夫致仕杜門掃軌仰  
師聖賢鄉人子弟多所造就學者稱恒軒先生著

福建續志

卷三十九

理學五

二十七

禮記集說語孟訓解

道南  
源委

朱在字叔敬熹子用蔭補官嘉定初除籍田令亢旱  
上封事歷將作司農簿遷丞十年以大理寺正知  
南康軍奉祠起知信州入對以進學問振紀綱求  
放心爲言除提舉浙西常平茶鹽公事加右曹郎  
官兼知嘉興府召爲司農少卿充樞密副都承旨  
出爲兩浙轉運副使寶慶中除工部侍郎進對論  
人主學問之要理宗曰卿先卿中庸序言之甚詳  
因奏閔損以下九人並封公爵獨曾參爲侯並乞  
封公揚雄王雱乞去其像本朝有程顥程頤張載

三人若使從祀廟庭斯文幸甚除吏部侍郎請外  
除寶謨閣待制知平康府遷煥章閣待制知袁州

奉祠卒

道南  
源委

詹體仁字元善崇安人始冠登進士調浮梁尉獲盜  
當賞謝不就兩爲歸安晉江丞用薦累遷太常丞  
時高宗定謚或謂宜稱堯宗體仁言謚法雖有之  
於古無據大行皇帝功莫盛中興請比殷武丁謚  
爲高議始決光宗卽位就遷司郎少卿剗剗舊弊  
軍餉饒足奏蠲諸郡積逋召爲太常少卿光宗疾  
省重華不以時體仁深陳父子至恩用意尤苦孝

福建續志

卷三十九

理學五

二十八

宗崩復抗疏請駕詣重華宮親臨祥祭時趙汝愚  
將定大計密令體仁達意少保吳玕請憲聖太后  
垂簾爲援立計寧宗登極天下晏然體仁協贊汝  
愚之力也時議大行皇帝謚體仁言壽皇聖帝事  
德壽二十餘年極天下之養諒陰三年不御常服  
宜謚曰孝卒用其言議山陵事與宰相異除太府  
卿出知福州助修郡學言者竟以前論山陵事罷  
之徙居雪川讀書悠然自得復龍圖閣知靜江府  
嘗勞農觀田器薄小教之更造開十縣租銀二萬  
四千蠲雜賦八千移鄂州除司農卿再總湖廣餉

事歲凶便宜賑救韓侂胄議開邊體仁移書廟堂  
言兵不可輕動皇甫斌自以將家子好言兵體仁  
謂斌必敗已而果然開禧二年卒體仁幼學於朱  
熹沉潛經訓徧考羣書誦說百家本末條暢屬意  
星歷著象數義以衍其奧嘗以今樂譜古詩方響  
無不協和一詩率用一調惟七月篇轉三調乃知  
風雅頌之別居官以利民爲心立朝密扶善類進  
達人才真德秀從之遊嘗問居官蒞民之法曰盡  
心平心而已盡則無愧平則無偏

閩書

范念德字伯崇建陽人父如圭少從舅氏胡安國受

福建續志

卷三十九

理學五

二十九

春朝廷對策極論人主正心立志之方力詆和議  
宴安之失言甚壯切念德從朱熹學初簿廬陵以  
幹敏聞辟吉州從事致忠求情廉勤惻惻有冤必  
白奸無幸免因葺問事之堂榜曰盡心大書噬嗑  
卦於屏上闢堂後地以會文講學熹爲之記仕終  
宜黃令嘗侍熹訪張栻於長沙熹讀其所著雜說  
曰持守不差見理漸明臨歿手書曰范念德托寫  
禮書

道南  
源委

劉燭字晦伯懋子從朱熹遊乾道中成進士歷官連  
城令蠲無名征歛新學宮教諸生入德之方改知

閩縣清簡爲治與民有信大族頑庶莫敢撓法臺  
府合薦以與丞相趙汝愚有連避嫌寧宗受禪公  
寓書汝愚言蠱毒中人之害蓋指韓侂胄汝愚不  
能用丁父艱讀書講道學禁雖嚴怡然自適服除  
知德慶府葺學舍練軍實入對請恐懼修省開言  
路以廣忠益闡公道以進人才飭邊備以防敵詐  
執政議留爚宰臣陳自强目爲僞學遂以提舉廣  
東常平茶鹽痛加裁節以足公用嘉定二年召對  
言甚切直除吏部郎中輪對請開張聖聽於經筵  
講讀大臣奏對反復問難以采義理之當否政事

之是非乞外除浙西提點刑獄所劾不避權貴所  
舉不受干求召國子司業言治道原於士風士風  
本於學術累聖相承以爲先務治教脩明儒宗間  
出然六經遺旨孔孟微言復明于千載天下學者  
誦而習之以論語孟子爲門大學中庸爲準慶元  
以來指道學爲僞屏其人禁其書十餘年間學者  
無所依向乞降明旨罷其禁又錄朱子白鹿洞學  
規以進請頒下兩學與舊規並行從之兼編修郊  
祀恩封建陽縣開國男賜紫金魚袋權刑部侍郎  
兼祭酒左諭德同修撰時羣臣爭務容默爚疏請

崇獎忠讜以作士氣深戒諛佞以肅百僚固藩籬  
選將帥尤今日不可緩者除刑部侍郎言藝祖置  
將皆富之以財待武吏與待文吏不同文吏責以  
廉耻武吏取以才能權刑部尚書兼右庶子仍兼  
講讀於東宮言帝王之學當本之大學探之中庸  
叅之論語孟子然後質之詩書玩之周易證之春  
秋稽之周官求之儀禮博之禮記而通之歷代之  
史通鑑之書以知古今之得失君臣之事鑑則物  
格知至意誠心正於修身治平之道猶指掌矣每  
講論至經史所陳聲色嗜慾之戒輒懇切再三以

福建續志

卷三十九

理學五

三十一

年過七十乞休不允比疾猶黽勉輔導卒贈金紫  
光祿大夫謚文簡燭簡質端重和易以莊少習家  
訓長得名師其淵源一出於正著有奏議史稿經  
筵故事東宮詩解易經說禮記解講堂故事雲莊  
外稿續稿若干卷

道南  
源委

江默字德功崇安人乾道進士調安溪尉丁外艱歸  
詣武夷從朱熹講學著易訓解易注疏四書訓詁  
以質熹熹曰此先聖未發精奧也嘗考國朝典章  
撰細策三十六卷上之後宰建寧有異政卒於官

道南  
源委

童伯羽字蜚卿甌寧人入雲谷師事朱熹充然有得時學禁方厲遂閉戶不出讀書樓上熹嘗造訪之名其樓曰醉經堂曰敬義由是伯羽以道自任日以敬義之化化行鄉里趨向彌衆時人稱敬義先生著四書集成學經衍義羣訓解晦菴語錄道南源委吳翌字晦叔建陽人師胡宏宏沒就張栻論學生平忠信撫幼孤曲有恩義與人交表裏殫竭心所不安者告語切至而不失其和故朋儕多樂親之栻門人在衡湘者日從翌叅決所疑舊有嶽麓書院設山長教授生徒尋廢宏嘗請復之乾道初帥守

福建續志

卷三十九

理學五

三十二

劉珙始復書院轉運副使蕭之敏以禮聘翌翌曰此吾先師之所不得爲者豈可以涼德當之哉力辭不赴築室衡山下有竹林水沼之勝取程子澄濁永清意榜曰澄齋日與士友講道讀書翛然自樂及沒朱熹爲志狀建寧府志

邱膺字子服建陽人從朱熹遊稱爲老友嘗與刊定周子通書及論老子營魄楊子載魄之義蔡元定謫舂陵膺載俎遠郊涕泣不忍別羣儕皆感動熹得舂陵信輒以告膺蓋歎道之孤不但平生交好之情而已建寧府志

歐陽光祖字慶嗣崇安人九歲能文從劉子翬朱熹講學子翬甚稱之熹遣子師事焉再舉登第不赴趙汝愚張栻列薦于朝方欲召用而汝愚去國後爲江西運幹致仕卜築松坡上以老道南源委

周明仲字居晦建陽人好讀書有志當世官宣教郎淳熙甲辰常平使者宋若水知其賢以魏掞之所立建陽長灘社倉事屬之明仲力爲振葺兼朱熹夏貸冬歛收息什二之法行之三年什二之收歲以益廣熹爲作記稱之閩書

張彥清字叔澄浦城人紹熙進士初主光澤簿教授

福建續志

卷三十九

理學五

三十三

泉州丞安福用薦知慶元縣彥清初從朱熹遊得其大旨及仕光澤與隱君子李公呂遊質疑辨惑造詣日深其爲人以孝友忠信爲本根潔廉勁挺爲質幹親早沒恨養弗逮不茹甘服美者終其身女兄未嫁捐所有資之少從鄉先生徐翹學徐欲妻以女未及而死旣與薦有富室將女之彥清曰忍負徐公仕雖久家無旬月儲歲莫貧且迫里人欲餉之曰得錢固所欲然非吾本心卒不受晚宰慶元目青作然兩造在庭猶諄之至前兒女語之人人得吐情實吏束手不能欺以疾請主管台州

崇道觀唐閩

真德秀字景元浦城人十五而孤母吳氏力貧教之同郡楊圭見而異之使歸共諸子學妻以女登慶元進士授南劍州判官繼中博學宏詞科入閩帥幕召爲太學正嘉定元年遷博士時韓侂胄已誅入對首言權臣開釁南北塗炭今茲繼好豈非天下之福然日者金人欲多歲幣而吾亦曰可增金人欲得奸臣之首而吾亦曰可與得無滋媢我乎正恐彼資吾歲賂以厚其力乘吾不備以長其謀一旦挑爭端而吾無以應此有識所爲寒心又言

福建續志

卷三十九 理學五

三十四

侂胄自知不爲清議所貸於是忠良之士斥僞學之論興今日改弦更張正當褒崇名節明示好尚召試學士院改秘書省正字兼檢討玉牒遷秘書郎入對乞開公道室旁蹊以抑小人道長之漸選良牧勵戰士以扼羣盜方張之銳選著作佐郎力辭兼禮部郎上疏言金有必亡之勢亦可爲中國憂蓋金亡則上恬下嬉憂不在敵而在我多事之端恐自此始累遷起居舍人奏權奸擅政十有四年朱熹彭龜年以抗論逐呂祖儉周端朝以上書斥當時近臣猶有爭之者其後呂祖泰之貶非惟

近臣莫敢言而臺諫且出力以擠之更化之初羣賢皆得自奮未幾傅伯成以諫官論事去蔡幼學以詞臣論事去鄒應龍許奕又以封駁事論去故人務自全一辭不措設有大安危大利害豈不殆哉今欲與陛下言勤訪問廣謀議明黜陟三者而已時鈔法楮令行告訐繁興抵罪者衆德秀奏之自此沒籍之產以漸給還兼太常少卿又言金人必亡君臣上下皆當以祈天永命爲心充金國賀登位使及盱眙聞金人內變而返言於上曰田疇不開溝洫不治險要不阨丁壯不練豪傑武勇不

收拾一旦有警則徒以長江爲恃豈如及今大修墾田之政專爲一司以領之數年之後積儲充實邊民父子爭欲自保因其什伍勒以兵法不待糧饟皆爲精兵又言邊防要事時史彌遠方以爵祿縻天下士德秀謂劉燾曰吾徒須急引去使廟堂知世亦有不肯爲從官之人遂力請去出爲秘閣修撰江東轉運副使山東盜起朝廷猶與金通聘德秀朝辭奏國耻不可忘隣盜不可輕幸安之謀不可恃導諛之言不可聽至公之論不可忽寧宗曰卿力有餘到江東日爲朕撙節財計以助邊用

江東旱蝗廣德太平爲甚德秀遂與留守憲司分所部九郡大講荒政而自領廣德太平以便宜發廩竣事而還百姓數千人送之郊外指道旁叢冢泣曰此皆往歲餓死者微公我輩已相隨入此矣索毀太平州私創之大斛劾徽州寧國二守先是都司胡槻薛拯每誚德秀迂儒試以事必敗至是政事日聞因倡言旱傷本輕監司好名賑贍太過德秀上章自明朝廷召還德秀以右文殿修撰知泉州番舶畏苛征至者歲不三四德秀首寬之至者驟增至三十六艘海賊作亂德秀親授方略擒

福建續志

卷三十九

理學五

三十六

之復增屯要害處以備不虞以集英殿修撰知隆興府承寬弛之後乃稍濟以嚴尤留意軍政因母喪歸明年盜起南安討之數載始平人服其先見尋以寶謨閣待制湖南安撫使知潭州以廉仁公勤四字勵僚屬以周惇頤胡安國朱熹張栻學術源流勉其士罷榷酤除斛面米申免和糴以甦其民民艱食旣極力振贍之復立惠民倉使歲出糶又易穀分十二縣置社倉以徧及鄉落別立慈幼倉立義阡惠政畢舉月試諸軍射理宗卽位召爲中書舍人擢禮部侍郎直學士院入見奏三綱五

常扶持宇宙之棟幹奠安生民之柱石人主但當以二帝三王爲師願陛下益講學進德又疏言朝廷之上敏銳之士多於老成雖常以耆艾褒傅伯成楊簡以儒學褒柴中行以恬退用趙蕃劉宰至忠亮敢言如陳宓徐僑皆未蒙錄用上問廉吏德秀以知袁州趙鋈夫對擢政夫直秘閣爲監司具手劄入謝因言崔與之帥蜀楊長儒帥閩皆有廉聲乞廣加咨訪上初御清暑殿德秀因經筵侍進曰此高孝二祖儲神燕閒之地仰瞻楹桷當如二祖實臨其上陛下以一心而受衆攻未有不浸淫

而蠹蝕者唯學可以明此心惟敬可以存此心惟親君子可以維持此心因極陳古者居喪之法與先帝視朝之勤屢進鯁言上皆虚心開納而彌遠益嚴憚之遂以煥章閣待制提舉玉隆宮旋落職罷祠旣歸修讀書記語門人曰此人君爲治之門如有用我者執此以往五年進徽猷閣知泉州迎者塞路歡聲動地諸邑二稅嘗預借至六七年德秀入境首禁預借諸邑有累月不解一錢者郡計赤立不可爲或咎寬恤太驟曰民困如此寧身代其苦決訟自卯至申未已或勸嗇養精神曰郡弊

無力惠民僅有政平訟理事當勉彌遠死以顯謨  
閣待制知福州戒所部無濫刑橫斂無徇私黷貨  
罷市令司曰物同則價同寧有公私之異海寇縱  
橫次第擒殄之聞金滅京湖帥奉露布圖上八陵  
而江淮有進取潼關黃河之議德秀上封事曰移  
江淮甲兵以守無用之空城運江淮金穀以治不  
耕之費壞富庶之效未期根本之弊立見惟陛下  
審重之召爲戶部尚書入見乃以大學衍義進復  
陳祈天永命之說謂敬者德之聚酒色盤遊狗馬  
之玩一有於此皆足害敬上欣然嘉納改翰林學

福建續志

卷三十九

理學五

三十八

士知制誥時政多所論建拜參知政事三乞祠祿  
進資政殿學士提舉萬壽觀兼侍讀辭疾亟冠帶  
起坐迄謝事猶神爽不亂遺表聞上震悼輟視朝  
贈銀青光祿大夫德秀慨然以斯文自任講習而  
服行之黨禁旣開而正學遂明於天下後世著西  
山甲乙稿對越甲乙集經筵講義端平廟議翰林  
詞草四六獻忠集江東掾荒錄清源雜志星沙集  
志旣薨上思之不置謚曰文忠

宋史

熊節字端操建陽人十歲讀易日誦二卦卽知聞難  
至通曉而後止慶元中廷對條陳三德累官通直

郎致仕有中庸解三卷智仁堂稿十卷又有性理

羣書

閩書

葉味道初名賀孫以字行更字知道其先溫州人刻志好古學師事朱熹試禮部第一時僞學禁行味道對學制策率本程頤無所避既下第復從熹於武彞山中學禁開登嘉定進士調鄂州教授理宗訪熹之徒及所著書部使者遂以味道行誼聞差主管三省架閣文字遷宗學諭輪對言人主之務學天下之福也必堅志氣以守所學謹幾微以驗所學正綱常以勵所學用忠言以充所學至口奏

福建續志

卷三十九

理學五

三十九

則述帝王傳心之要與四代作歌作銘之旨從臣薦其可爲講官乃授太官博士兼崇政殿說書故事說書之職止於通鑑而不及經味道請先說論語詔從之帝忽問鬼神之理對曰陰陽二氣之散聚雖天地不能易有死而猶不散者其常也有不得其死而鬱結不散者其變也故聖人設爲宗祧以別親疏遠邇正所以教民親愛參贊化育三京用師廷臣邊闕交進機會之說味道進議狀以爲開邊寢濶應援倍難科配日繁餽餉日迫民一不堪命龐勛黃巢之禍立見是先搖其本無益於外

也經筵奏事無日不申言之而洛師尋以敗聞人謂味道見微慮遠味道所陳無一言不開導引翼求切於君身旁引折旋推致於治道遷秘書著作佐郎而卒訃聞帝震悼出內帑銀帛賻其喪升一官以任其後所著四書說大學講義祭法宗廟廟享郊社外傳經筵口奏故事講義

宋史

劉卮字伯醇燭子寶慶三年知江寧爲政愷悌不擾而辦制閩以賢能薦俾兼幕府以收李全功轉朝請大夫知常州衡州移南劍州辭疾不赴與學徒輩講道終其身學者尊爲靜齋先生著有毛詩解

福建續志

卷三十九

理學五

四十

家禮集註

道源南委

游九言字誠之初名九思建陽人十歲爲文詆秦檜及長銳志當世初筮古田尉入監文思院被旨視行在災傷歸白都堂放苗八分以上張栻帥廣西辟幕下栻弟杓帥金陵復辟撫幹時禁方嚴九言記上元縣明道祠痛譏之調全椒令開禧初爲淮西安撫機宜尋知光化軍充荆鄂宣撫叅謀官卒贈直龍圖閣謚文靖九言始學於栻栻教以求放心久之有得嘗序太極圖曰周子以無極加太極何也方其寂然無思萬善未發是無極也雖云未

發而此心昭然靈源不昧是太極也欲知太極先  
識吾心讀者稱之號默齋先生

書閩

朱鑑字子明熹長孫蔭補廸功郎累遷奉直大夫湖

廣總領寶慶間隨季父在遷居建安之紫霞州建

文公祠於所居在子孫入建安自鑑始

書閩

蔡模字仲覺沉長子操行高潔風度夸坦師事朱熹

隱居篤學一以聖賢爲師王埜創建建安書院請任

山長淳祐中用宰相謝方叔湯恢薦補廸功郎添

差本州教授令有司錄所著書併訪以所欲言模

疏言敬義爲萬世帝王心學大旨价人大師等六

福建續志

卷三十九

理學五

四十一

者爲國家守邦要道及請頒白鹿洞學規於天下

嘗輯朱子書爲續近思錄及易傳集解河洛探賾

大學衍論語集疏等書學者稱覺軒先生

道南源委

葉采字仲圭味道子從蔡淵學嘗居武彝書堂遊玩

賦詩陳淳以好躡高妙屢砭之遂循序就實構漁

隱精舍問學日進淳祐登進士授邵武尉歷景獻

府教授遷秘書監論郡守貪刻遷樞密檢討知邵

武軍作郡乘築祠郡泮以祀朱子復置田若干頃

祀朱子於光澤累官翰林侍講乞歸所著近思錄

嘗以進呈理宗稱善又著集解西銘性理等書

道南

委源

李浚字深源建安人兩浙轉運使兼吏部侍郎尚理  
宗公主元兵下建寧與公主逃入福州既而福州  
守王剛中以城降仰天大哭曰君帝室王姬吾大  
儒世胄可受辱乎遂飲藥死

道南  
源委

邱富國字行可建安人受業朱子之門登淳祐進士  
爲端陽簽判宋亡不仕著周易輯解十卷經世補  
遺三卷易學說約五篇發明朱氏宗旨

道南  
源委

徐幾字子與崇安人通諸經尤精易得朱真理學之  
傳景定間與何基同以布衣召補迪功郎添差建

福建續志

卷三十九

理學五

四十二

寧府教授兼建安書院山長以實學訓迪多所造

就  
書閩

楊與立字子權建安人少篤學研究理學受業朱熹  
之門知遂昌縣因家蘭溪學者宗之稱鉛山先生

所輯有朱子語略二十卷

建寧  
府志

余允文字隱之建安人以孟子亞聖自司馬君實作  
疑孟其後李觀鄭原著常語及藝圃折衷皆肆詆  
毀乃作尊孟辨三十餘條闢之

道南  
源委

熊剛大字○○建寧人少穎敏從蔡淵黃幹遊問學  
精專操行篤至爲建安教授著有詩經註解性理

小學集解學者稱古溪先生

書閩

熊以寧建陽人從朱熹遊後舉進士授光澤主簿剛直正大一介不妄取予嘗曰學顏子之學志伊尹之志分內事也有大學釋義中庸續說行世書閩祝穆字伯和其先新安人後籍建陽祖確物色朱松妻以女穆因是得事朱熹往來荆楚吳越間所至必窮日登眺探幽搜竒生平好著述書無不覽卜隱於縣治南溪上著有性理大全方輿勝覽四書附錄事文類聚等書盛行於世學者稱樟隱先生卒謚文修祀先儒祠子洙亦從熹遊得聞緒論纂

福建續志

卷三十九

理學五

四十三

四書集經附錄書上除迪功郎興化軍冊縣

元

熊禾字去非建陽人總角能文卽志濂洛闕閩之學訪朱熹門人輔廣而從遊焉旣博通五經遍覽諸子百家舉進士授汀州司戶叅軍入元不仕築洪源書堂學者翕然歸之胡一桂其最著者州縣咸尊以師禮謝枋得聞其名自江右來訪相與講論夫子之道益明一桂向明易學講切最久禾與之論學謂秦漢以下天下所以無善治儒者無正學也儒者所以無正學六經無完書也考亭夫子集

其大成平生精力在易詩四書儀禮未完書開端而未竟九峰蔡氏猶未大暢厥旨三禮雖有通解而勉齋黃氏信齋楊氏粗完喪祭二書其授受損益精意尚無能續若春秋則不過發其大義而已余雖與君講求十有七年易詩書僅就緒春秋更加重纂則皇帝王霸之道亦或粗備惟三禮乃文公與門人三世未竟之書君當分任此責以畢吾志其後修儀禮未成而卒福寧陳益方足成之以爲禮編禾晚年更創鼇峰書院於里中改名銖字位辛著易講義書說三禮考異春秋論考四書小

福建續志

卷三十九

理學五

四十四

學集疏大學廣義標題祀典論

元儒言行錄言

按後世都城建歷代帝王廟而以當時功臣配享及郡州縣學立啓聖名宦鄉賢諸祠皆祖禾祀典之說也

鄭儀孫號翠屏建安人從邱富學咸淳中應賢良舉明年少帝北行儀孫退而著書易圖說詳解大學中庸章句史學蒙求箋註性理字訓太守吳率幕屬迎於學師事之

建寧府志

雷德潤字志澤一名逢辰建安人學粹於易旁通諸子及律歷衍數舉明經除福州路教授積學庾之

餘買田三百餘畝以給貧士昏喪老疾者號義士  
庄里人爲建祠學宮調長樂簿卒

閩書

張復字伯陽建安人仕建寧路知事師事鄭儀孫學  
易得邱氏之傳嘗輯諸儒論議編性理遺書

閩書

明

余應字則亮政和人私淑朱熹志性凝重寡言笑善  
以禮自律容止閒暇雖甚忿不色變客王公所未  
嘗希意道言與叩童亦恂恂謹飭非公事不入宰  
室早失恃事繼母愉而婉動與志合將膳則務求  
甘旨以進其弟寬繼出也應於衣食必先足彼用

福建續志

卷三十九

理學五

四十五

後及其身由是兼父母愛以孝友著稱於鄉洪武  
初以明經爲本縣訓導徵拜京都留守中衛知事  
越三載免歸明年丁父憂治喪一以文公家禮不  
用緇黃遵先人治命也

縣志

熊熙字文明建寧人少從林玘學易與蔡清同稱高  
弟授翁源訓導後謝病歸門人感泣道左所著有

四書周易管天

建寧府志

福建續志卷三十九終